

子莫余沙門慈恭道德內合凍之不寒餓之
不飢所以來乞欲為福耳既不施與安可窮
逼幸發遣之勿招其罪太子答曰此是何人
詐稱道德試小困之纔令不死正余放去無
所憂也即便遣去驅逐出國未出國界十餘
里中逢遭餓賊欲殺噉之沙門言曰我貧凍

沙門羸瘦骨立肉既腥臊不中噉也空當見
殺而無所任餓賊又曰我餓困累日但食土
耳卿雖小瘦故是肉也終不相放但當就死
如此前却紛紛良久太子得知便往救曰我
以不能乞其衣食寧當復令賊殺之耶賊見
太子皆叩頭首過謝罪放沙門去時沙門者

今彌勒菩薩是憍貴太子者今卿是也故卿

今日受此貧窮之罪坐慳貪也所以得長壽
者救活沙門之命也罪福報應亦如影響老
公白佛去事已余願畢於今乞得以垂殘之
命得作沙門後生世常侍佛邊佛言善哉
應時老公鬚髮墮地法衣在身體氣強健耳

目聰明即得上慧入三昧門以偈讚佛
我昔為太子不識仁義方憍貴自放恣
恃為大國王自謂無罪福此以可保當
豈悟生死對於今受其殃從罪復蒙福
得覩天中天能脫既往罪垂命入法門
永離慳貪心長受智慧根世世侍佛邊

保持万劫存於是老公比丘說是偈已禮佛而去

佛說貧窮老公經

安六八盛

佛說三摩竭經

吳世妙門竺律炎譯

聞如是一時佛在舍衛國祇樹給孤獨園與
千二百五十比丘五百菩薩俱帝王人民及
諸天龍鬼神無復央數余時有難國王名分
波檀不信佛法但好外道日於宮中飯諸尼
徒万余人難國王常喜高自用智慧無雙

以鐵鎄其腹常恐智慧從腹橫出王欲爲其太子娶婦即問左右群臣天下寧有智慧如我者不若有者我欲爲子娶其女大臣便受王教即福至國中求索了無有如王亦自知國中無有即更遣使者行到他國求索智士女余時使者即受王教便至舍衛國使者便

安六

九

七

問國中人民是國中寧有好道賢者不平人答言有使者言姓字何等人報言字爲佛使者言佛寧有女無人言佛者道人也無有女使者言次復有誰人答言復有人字阿難邠城大賢善好道有好女國中第一使者言何用爲第一國中人言曾與太子祇共請買園田八十頃持上佛復以象負輦黃金數千万億持莊園田不貪重寶但念爲善耳使者聞國中人言大歡喜自知以得消息即還本國白王言迺舍衛國中有賢善者大好道字阿難邠城難國王聞使者言便作書即遣太子與群臣百官嚴駕載珍寶俱相隨到舍衛國

止頓太子著城外使人便入城至阿難邠城舍時守門者便入白阿難邠城外有使者來阿難邠城即自出應門見使者黑醜如鬼阿難邠城大驚言汝何等人乎即答言我是難國王使者阿難邠城言卿來欲何等求索使者言我來宣傳教命難國王雖不相見遙相愛敬人每往來歌歎卿功德無有量聞君賢善大好道有女故來欲爲太子求君女王亦自有書相聞阿難邠城即欲罵之便自忍而不言便呼前共坐相問訊談語使者便以書示之阿難邠城即讀書訖竟答使者言我有大人當往報之若聽我者我當還語卿消息便留坐使者阿難邠城便到佛所即前爲佛作禮却長跪叉手白佛言今難國王遣使者來到我家其人狀類黑如鬼辭言欲爲王太子求我女三摩竭今當云何佛言與之阿難邠城言使者黑如鬼其王太子當何類我復曾從佛聞難國王但事諸尼捷裸形無有衣

被狀類醜黑驚怖我女佛言不也與之當知
是因緣三摩竭應當於裸形國度脫八万人
阿難邠坻不敢復問佛心懷恨意即還歸謂
使者言鄉奉王教命故從遠來求索我女大
善當相與使者聞阿難邠坻言即還到城外
至太子所便與太子俱相隨來到阿難邠坻

安六

十

益

舍即從車上下金銀及禮婢與阿難邠坻便
共請人客飲食相娛樂七日訖竟阿難邠坻
遣送三摩竭奴婢衣服及與珍寶無復央數
太子便載三摩竭去還歸本國
余時難國王見子婦來歸即大歡喜便請其
師尼捷若陀弗及万二千弟子悉入宮飯之

安六

十一

益

難國王夫人及太子悉下飯具余時呼三摩
竭來出欲令下飯分共禮諸師三摩竭適至
第三門中遙見諸尼捷悉羅坐裸形無有衣
被三摩竭即大驚是爲狗畜生無有異便兩
手覆面遙唾之即還入室不肯復出諸尼捷
皆瞋恚三摩竭即告王言從何得此熒惑不

吉利之人王宮促遣令去若不遣去者當
壞敗王國中諸尼捷不肯復飯食即欲起去
王便辭謝諸師我當爲大師遣去明日不復
令現於宮中諸尼捷及飯食訖便去即日太
子自往至三摩竭所三摩竭時大瞋恚教婢
令閉門如是四五日太子不敢復往夫人即
問太子何故不往太子默聲不言夫人已知
之即自往到三摩竭所我爲子娶若今當承
事我子何故折辱我子三摩竭答言夫人子
所事師及國中人民皆如狗畜生無有異夫
人聞之大慚愧即還白王言大王自用道智
無雙國中無有可王意者王迺勞群臣八千

子并其國中人民皆如狗畜生無異王即驚言是小女子今折辱我如是我恐智從腹中橫出以鐵鎋我腹我日飯諸道士萬餘人誰能及我者今汝交面相罵三摩竭言王國中人民所事師常無有衣裳裸形相視當有何等道設使有道尚不足以貴何況無道大王日雖飯是輩万餘人者皆是我所不恭敬輩常唾賤者尔時難國王大窮即自思惟當共誰議是事即自往到尼捷若陀弗所前爲師作禮白言我要婦已於舍衛國得婦間者無狀既折辱大師今復惰慢面罵我及夫人大子比狗畜生雖是婦不以婦禮事我今當云何師告王復往問之言汝國中人民所事何如我國中人民所事知何等言王往慎勿得瞋憇徐問之自當有語王即受教如師所言便到三摩竭所問言汝國中人民所事何用勝我國中人民所事三摩竭言我國中人民所事最尊男女皆有衣裳尊卑異路身體不

相見現有大小名佛教授數千億萬人皆令得度世泥洹道入火不燒入水不溺能典攬三千大千日月万二千億天地變化入無間出無孔知當來過去今現在事身有三十二相八十種好道德通達諸天帝王人民雜會誓首來謁王聞三摩竭語即大踊躍歡喜尔

時難國王告三摩竭言汝所事佛寧可得見不三摩竭言我能爲大王遙請之即可致王言大善迺相去八千里請佛當云何三摩竭言不須大王遣人請但當至意遙燒香請也佛神通照知人心中所念王夫人及太子皆隨我後三摩竭即自上高臺上整服便向舍

卷六

十二

衛國長跪燒香持頭面著地作禮言今難國王不知天下有佛當用一切人民故哀悲諸勤苦願佛明日與諸比丘僧勞茲尊神來到難國王所飯言適竟香烟便繞佛所遶佛三匝於佛上化作香蓋佛時適爲無數千人說法尔時阿難前長跪叉手白佛言是何等感

應迺爾願佛解說其意佛告阿難難國王及三摩竭明日當請佛及諸比丘僧三摩竭有至心欲令難國人民悉捨邪見令向正道香來至此請佛爾時即告摩訶目犍連勑諸比丘僧明日當到難國三摩竭所食摩訶目連受佛教即宣語諸比丘明日當就請勿得他

餘行於是三摩竭皆令王夫人太子及諸采女齋戒燒香布坐席設飯食具悉辦三摩竭知佛當來與王夫人太子采女及諸尼捷共住中庭三摩竭告王夫人太子皆隨我後今諸羅漢當先來至佛最在後卿曹慎莫驚怖隨我所爲三摩竭於是復長跪燒香言飯具已辦願佛用時佛知三摩竭心所念即告諸比丘今日當到難國食汝曹各以道變化自在所爲諸比丘即受教中有化作龍虎鳥鳳凰孔雀牛鳩鵠百鳥梟獸交露帳者諸衆僧悉在其中坐各各皆不同爾時佛自坐師子交露帳中即與千二百五十比丘五百菩薩

安六

十三

盛

諸天鬼神龍俱從虛空中神足飛行適至難國佛便放光明天地大震動諸羅漢菩薩各悉作變化先來下難國人民見此變化皆大驚怖王問三摩竭言是佛不也答言非佛三摩竭告王勿恐是諸弟子也佛最在後身中有三十二相八十種好須臾之間佛俱從上來下釋梵四天王在前導諸天鼓琴作其倡妓而樂佛三摩竭與王夫人太子即持華香迎佛前爲佛作禮便相將入宮即就坐諸菩薩阿羅漢皆前坐大小相次三摩竭即令王夫人太子前行澡水便下飯食具國中人民來觀者甚衆多王令大臣閉宮門人民見王閉宮門大瞋恚王所各持斧欲破宮門佛遙知之言我所行化皆欲令作善今難國人民皆來觀王而閉宮門也佛爾時欲令一切人等見佛即使宮門牆壁悉化作水精色內外相見難國人民見佛及諸菩薩羅漢皆大歡喜爾時佛有一羅漢名賓頭盧時坐山上忽

忘至難國賓頭盧坐來久適欲以鍼縷縫衣
以鍼刺地縷與衣相連是時佛已應難國王
宮中坐已賓頭盧即以神足飛行至難國山
便隨賓頭盧後尔時國中有一女人懷軀兒
山來正黑恐墮其上便大惶怖即墮軀佛以
遙知之即令摩訶目連以神足飛行迎問賓

頭盧汝後何等賓頭盧即還顧見山以手攬
山擲故處八千里尔時賓頭盧即到前爲佛
作禮却坐佛告賓頭盧我教天下人欲令悉
度出今汝旣失期復殺一人人命至重是我
道所不喜汝從今已後不得復隨我食及與
衆會若當留住後須彌勒佛出迺般泥洹去
耳賓頭盧聞佛說如是即默然憂愁復自悔
責食訖便起前爲作禮及諸菩薩阿羅漢共
辭便入山中尔時難國王師尼捷若陀弗白
佛言寧可共捕道不若不如者當投著井中
佛言大善不須多言三問不如者當投著井中
尼捷若陀弗言大善佛即問若誦經時云

何尼捷若陀弗言我誦經時匍匐而行是爲
狗狗迺匍匐而行尼捷若陀弗便不如佛諸
弟子皆瞋餘語爲賜那正說是事也悉還恚
其師所取師欲投著井中師即大惶怖以兩
手拒地不肯入井佛言置之

尔時中庭自然有大火出其焰上詣第七梵

天其火中自然有千葉蓮華華上有五百梵
天皆叉手長跪問佛飯何等人得福多者飯
何等人得福少者佛答梵天言譬如以五種
穀散著火中爲生不梵天言不生佛言難國
王前後所飯諸尼捷譬如五穀著火中終不
復生今日飯佛及諸菩薩羅漢得福多無有
量譬如今人有好地有好種天復時雨何憂不
生今佛是一切人福田隨人所種必得其願
愚癡人喜教他爲外道是人命盡皆當墮太
山地獄中甚勤苦悔無所復及前人坐之未
出後人復教作之世間人愚癡但更相欺調
是故不知真道若有黠人當學正道其道不

生不老不病不死是爲泥洹大道世間凡有
九十六種道皆不及佛道佛言以一天下樹
枝及與鳥毛作筆書佛經樹枝鳥毛悉皆可
盡佛智不可盡大如須彌山墨磨研四海水
點筆須彌山墨四海水皆可盡佛智終不可
盡五百梵天聞佛語應時舉聲言善哉審如

佛所言於是五百梵天忽然不見余時難國
王眷屬三百人千二百采女五百大臣見佛
變化皆踊躍歡喜悉發阿耨多羅三耶三菩
心時二千婆羅門即除鬚髮皆作比丘應時
悉得阿羅漢道万二千尼捷應時悉解脫中
有得須陀洹道者有得斯陀含道者有得阿
鞞地逼爲佛作禮

佛說三摩竭經

安六

恪良乃宴於見邃進學經

士末

錫先擊醒音星又井反鉛古錐鑽上子管反包含
交反俠正作夾

貧窮老翁經

匍匐蒲音蒲下矜居陵抗苦浪邈眉角羸瘦
垂反腥臊先刀反紛紜上音芬叩口

三摩竭經

波碑牒葉邠抵上布巾反迺刀訊訛音二同
併若陀者上而攬郎敢豪古堯倡昌斧音
及反縫達捺音角

纓上音反